




國朝鼎甲徵信錄卷三目次

陳惠華

王安國

孫引之附

周 霽

梁詩正

陳 倓

金德瑛

黃孫懋

秦蕙田

林枝春

涂逢震

秦勇均

金 牲

錢維城

莊存與

弟培因附

王際華

梁國治

汪廷璵

子學金附

吳鴻

周澧

盧文弨

王鳴盛

畢沅

王杰

秦大成

張書勲

陳初哲

吳錫齡

汪鏞

戴衢亨

蔡廷衡

江德量

錢棨

茹棻

史致光

孫星衍

石韞玉

胡長齡

洪亮吉

卷之五

五

國朝鼎甲徵信錄卷三

昌樂閩湘蕙香亭編輯

壽光張椿齡壽山增訂

陳○意○華○字○雲○倬○直○隸○安○州○人○五○世○祖○某○爲○儒○官○遂○世○
其○業○曾○祖○所○聞○歲○貢○生○祖○湧○順○治○庚○子○舉○人○從○容○城○
孫○徵○君○講○學○河○漳○義○俠○著○州○部○教○授○鄉○邑○秀○傑○之○士○
多○從○遊○湧○子○鶴○齡○亦○好○陽○明○氏○及○其○鄉○鹿○忠○節○公○論○
學○之○書○而○踐○行○之○父○歿○故○舊○巧○奪○其○產○弗○與○爭○高○陽○
李○相○國○嘗○延○至○京○師○一○日○念○母○謝○歸○設○教○家○塾○從○者○

數十人。每秋冬。生徒夜誦燈火相聯。聲滿里巷。中式康熙甲子。舉人任正定縣教諭。設條約教諸生。孝弟力田。治經史。暇則習射。屬府三十二城之士。多聞風而至。素精制舉業。其爲教。雖以力行爲宗。而常因文術以誘進之。凡經其指畫。輒籍於庠序。升京兆禮部者。相踵故。士爭湊焉。其在正定。嘗奉檄視蕭家營水災。在事者陰授意以未成災報。不爲奪。太守命督隆平甯晉諸邑民捕蝗。歸報曰。民不畏蝗。捕蝗令屢下。官屢至。則苗盡矣。一時士民咸載其言。官止順天府。

武學教授。雖官爵不顯。而後嗣則昌。子惠榮。康熙壬辰進士。累官江南布政使。惠華少時讀書靜室。有鄰女竊窺。正色拒之。事與明朝曹鼐相似。每於座右書曹鼐不可四字。雍正二年登鼎元。官至禮部尙書。惠正。雍正庚戌進士。惠榮子策。乾隆丙辰進士。任宜興知縣。筠。雍正乙卯舉人。筌。乾隆甲子舉人。數世皆以教人濟人爲心。故子孫榮盛如此。熙朝新語並望溪集王安國字書城。江南高郵人。先世多隱德蓄積。未耀至安國。乃大顯。爲諸生時。與夏之芳。夏之蓉。會文於

文昌祠神前有一騎。俗呼曰白特。甚著靈異。安國嘗
夜入祠。祠前故有一小橋。履橋上。軟如綿。初不覺也。
既至祠。僧驚曰。橋圯矣。君何從來。安國茫然。次早見
神前白特。四足泥淖。尚津津然。疑夜所履者。卽此也。
識者以此決其榮貴後之芳之。蓉皆入翰林。安國於
雍正二年。會元榜眼。釋褐之日。座師高安朱文端公
謂之曰。學人通籍後。留得本來面目。爲難。安國謹奉
師言。故操節。與之相類。官至吏部尚書。諡文肅。偉烈
豐功。備載國史。子念孫。自幼穎敏。羣籍過目。輒成。

誦從休甯戴震遊力爲稽古之學乾隆乙未捷南河
選庶吉士散館改主事陞吏科給事中劾大學士和
珅黷貨攬權上覽疏稱善卽日明罰勅法政府肅
清天下比之鳳鳴朝陽巡淮安濟甯漕汰陋規吏治
民瘼以聞上嘉納之授直隸永定河道尋遷山東
運河道力除弊數省帑數十萬濬牛頭湖以廣微山
湖蓄水來源禁占種阻撓者增高臨清閘內兩岸爲
蓄汶地遇衛河漲卽閉閘蓄水使汶高於衛然後開
放刷沙以除捫口之患至今賴之復爲永定河道因

河○異○漲○漫○溢○休○致○就○養○京○邸○日○以○著○述○自○娛○道○光○乙○酉○重○與○鹿○鳴○宴○生○平○儉○約○成○性○方○正○無○依○違○配○吳○夫○人○早○卒○數○十○年○塊○然○獨○居○子○引○之○字○伯○伸○嘉○慶○四○年○探○花○厯○官○工○部○尙○書○謚○文○簡○

熙朝新語並漱芳閣集槐廳載筆

周○霽○字○雨○甘○浙○江○錢○塘○人○父○垣○年○十○一○避○寇○以○兄○相○失○獨○攜○幼○姪○竄○澤○莽○間○晝○伏○夜○行○越○數○日○得○達○母○兄○所○姪○賴○以○存○析○產○於○兄○子○倍○已○之○半○有○貧○士○館○於○其○家○病○不○能○歸○力○爲○醫○治○旣○歿○厚○其○殯○葬○恤○其○家○設○藥○局○施○病○者○三○十○餘○年○鄰○有○以○所○居○售○者○垣○給○其○值○而○

完其產生子。薨雍正八年狀元。

杭州府志

梁詩正字養仲。浙江錢塘人。曾祖萬鍾。祖國儀。俱有隱德。父文濂。少從凌進士紹燭學。器之以女。女焉弱冠。餼於庠。每試輒冠其儕伍。而屢困棘闈。選授諸暨訓導。不就。生子二。長啟心。乾隆己未翰林。以侍養不入館。次詩正。生有異質。長擅文譽。天性孝友。侍父色養備至。事伯兄。飲食必偕。弗敢先也。雍正八年及第一甲第三名。太夫人前逝。諱辰及歲時。享祀輒鳴嗚。作孺子泣。弱弟爲父晚年所舉。子愛念尤篤。俸餘贍

給之外分財產與之三族待以舉火者不能悉數累
官東閣大學士諡文莊入祀賢良祠長子同書壬
申翰林官至侍講次散書丁卯舉人任遵義府知府

道古堂

文集

陳倓字定先江南儀徵人雍正十一年以廣文應禮
部試長洲舉人陳堯叟是科將赴會試夢至一所宮
闕壯麗遙見殿上坐一王者兩旁隨侍甚衆正窺伺
間忽聞呵殿聲隱隱旋見一偉丈夫鬚髯若神從中
門進陳雜於護從中隨入王者出迎分賓主坐客問

曰。今歲會墨。若何。王者曰。君少坐。我爲誦之。自第一
名至十八名。爲君難兩句題文。陳詢之。從人曰。此文
昌帝來者。關聖也。陳素頴。醒後猶歷歷可記。卽披衣
錄出。曰。將元卷誦熟。入場。題目果符。元卷杳不能記
一字。勉強草就。自度功名無分。將納卷。有友同號者。
以文相質。閱至二行。卽賀曰。君作第一人矣。友問故。
陳細告之。是時元卷忽能記。卽掩卷誦終篇一字無
錯。友大駭曰。十八篇文。君皆能誦否。曰。當時意在會
元。餘文皆已忘卻。後榜發。陳堯叟中十八。同號友中。

會元乃陳倓也。檢舊所錄對之。悉合。後視魁墨。無一卷悞者。及臚唱。陳倓復大魁天下。年已三十有九。科名之前定如此。

覺世真經闡化編並貢舉考略槐廳載筆

金德瑛字汝白。浙江仁和人。先世籍休甯。爲正希先生。從曾孫少失怙恃。賴叔詢教育。性孝友。遇二親。忌日及己生辰。必素服齋居。愀然終日。以仁和籍補弟子員。爲人朗爽平直。於世俗聲色之娛。一無嗜好。與人交。坦率無匿情。人有過。輒面折不少容。而無怨之者。蓋諒其誠也。中雍正丙午舉人。再赴春官。不第。日

與陳兆崙張映斗相淬礪各以馳逐聲華爲戒乾隆
元年會試中式對策卷爲王公士俊所賞僉以文非
駢儷有違定體欲乙之王變色起爭乃置第六上
拔置第一王於班聯中遙見德瑛狀貌喜告同列曰
吾前夕夢文昌攜一短髯道士來囑予曰付汝付汝
覺甚疑之此君酷肖何也官至左都御史忠雅堂文集
黃孫懋字訓昭山東濟甯人曲阜籍高祖中理自幼
端方好性命之學旣補諸生每取伊川考亭語錄及
大全諸書晝夜研究有疑義未徹至自掌其面晚年

教授生徒一以朱子爲準有友贈以句云窮年兀兀
心源尙友程朱丰采稜稜卓見不淫佛老人稱東愚
先生病革呼孫維祺授以大學誠意章曰爲聖賢當
從此下手遂卒維祺順治乙未進士康熙初授故城
知縣廉正自矢以寬徭役恤刑徒勸農桑興學校爲
務有寡婦饒於資夫從弟欲奪之行賄千金維祺佯
納之庭鞠遽訊曰爾嫂有淫行乎其人愕然無以答
因厲聲曰旣無淫行是節婦也爾嫂爲爾兄守節爾
忍行賄逐之乎出其金謂寡婦曰以旌汝杖其人逐